

Headline	15 sertai kursus Pemuliharaan dan Pengurusan Karas di Long Bemang		
MediaTitle	Utusan Borneo Sarawak		
Date	05 Jun 2016	Color	Black/white
Section	News	Circulation	45,554
Page No	6	Readership	136,662
Language	Malay	ArticleSize	262 cm ²
Journalist	N/A	AdValue	RM 850
Frequency	Daily (EM)	PR Value	RM 2,549



15 sertai kursus Pemuliharaan dan Pengurusan Karas di Long Bemang

MIRI: Seramai 15 peserta mengambil bahagian pada kursus Pemuliharaan dan Pengurusan Karas di Long Bemang, Hulu Baram.

Kursus dua hari itu dilaksanakan oleh Institut Penyelidikan Hutan Malaysia (FRIM) dan dibantu oleh usahawan tempatan, Tinnes Malai.

Ketua FRIM Cawangan Pengurusan Penanaman Hutan untuk Bahagian Bioteknologi Perhutanan Dr Lok Eng Hai hadir sama menyampaikan ceramah.

"Selain penduduk Long Bemang dan penduduk Hulu Baram berhampiran, kursus tersebut turut dihadiri peserta dari Muhi, Bakong, Lapok, Niah dan Miri.

"Sebahagian mereka su-

dah melibatkan diri dalam penanaman karas. Kursus ini bertujuan meningkatkan pengetahuan terhadap teknik pemuliharaan dan pengurusan aquilaria," katanya.

Pada masa sama meningkatkan pengetahuan terhadap teknik penanaman, penggunaan teknologi dan kepentingan aquilaria, spesies pemuliharaan dan penemuan terbaharu berkaitan industri karas.

Antara topik dibincangkan ialah tapak pengeluaran anak semaian karas, kaedah mengenal pasti benih berkualiti, penghapusan serangga perosak, mengenal pasti penyakit dan cara rawatan dan penggunaan baja sebelum dan selepas penanaman.

Meskipun diadakan menjelang sambutan Hari Gawai Dayak, namun kursus itu mendapat sambutan amat menggalakkan.

Sehubungan itu, beliau bercadang mengadakan kursus sama pada Ogos atau September tahun ini.

Beliau berterima kasih kepada Kaunselor Jok Ngau dari Long Bemang atas sokongan menjayakan kursus tersebut.

"Ini merupakan sebahagian daripada usaha FRIM membangun dan berkongsi pengetahuan berkaitan industri karas di negeri ini," katanya.

Mereka berminat mengikuti kursus boleh membuat pertanyaan atau menghubungi Tinnes (019-8057073) dan Dr Lok (016-9721313).

Headline	15 sertai kursus Pemuliharaan dan Pengurusan Karas di Long Bemang		
MediaTitle	Utusan Borneo Sarawak		
Date	05 Jun 2016	Color	Black/white
Section	News	Circulation	45,554
Page No	6	Readership	136,662
Language	Malay	ArticleSize	262 cm ²
Journalist	N/A	AdValue	RM 850
Frequency	Daily (EM)	PR Value	RM 2,549



KURSUS: Peserta sedang menanam kayu karas semasa kursus tersebut.